

婁縣續志卷十七

人物志下

黃郁芳諸生年十二母病郁芳夜露禱於天母感異夢疾愈母去世後遵遺命善無不爲凡所以厚宗黨親屬者無不竭心盡力并倡建育嬰堂於水雲亭知府劉堯裔以經明行修獎之年七十一卒

王鎮事親孝善岐黃遇貧者輒資以藥餌歲除每出其資爲諸昆仲度支畢然後及已事雖典資不恤也至今人稱其孝友焉卒年六十有九

朱履吉父秀文爲養利牧履吉年十八之父任途中讀律得其旨因在父所佐幕友判決平允父曰兒有良吏才因使就職尋丁嫡母憂悲哀成禮服闋銓施秉縣知縣善政具舉大府將以循吏薦一日忽心動亟陳情歸未到家父已沒輒徒跣號奔烈日中至則哭踊殆絕母止之乃節哀然隱忍咯血成疾勉力承歡者十年母疾時履吉血疾大發仍力疾奉湯藥月餘母沒遂不欲生百日後猶晝夜哭竟卒於喪次里人稱爲孝謹先生

張棻字齊式歲貢生事親孝父澁沒哭泣流血母氏吳卒亦如之兩目皆盲越十二年夢父母拭其目雙瞽復明人以爲孝感云

汪成章性至孝依依膝下聞有父子不睦者輒變色



自省父孝祥病剝股和藥以進漸瘥母趙患瘧疾甚  
恐其復殘肢體戒家人匿翦成章潛竊之翦左股血  
溢忍痛以進而母病賴以愈越年餘卒年四十有七  
沈瑞字冀華生四歲而孤母錢守節撫養家貧讀書  
舌耕事母壯歲食餽出廩資修治文恪公祠并錢公  
士貴專祠曰我以慰母志也戊午登賢書因母春秋  
高不忍試禮部晚年母目盲百治不效瑞焚香籲天  
禱借三光母目忽明人咸異之母卒瑞年逾五十矣  
猶孺泣水不沾唇者三日長兄沒課其二子養寡嫂  
四十年并迎養寡姊終其身邑侯湯獎以孝通神明  
年六十五卒

卷之七 人物

二

胡瓚幼失恃恆悲戚父有疾奉侍爲弟兄先父沒慟  
不欲生竭力營葬自是敬兄愛弟無間言家無恆產  
所遺器玩請於庶母分給兄弟瓚勤儉持家兄弟八  
人白首同居年七十一卒

楊之灝字箕山諸生父超曾沒於皋蘭灝年十八匍  
匐至皋蘭扶櫬歸葬畢秋帆中丞重其孝且才招致  
幕中得館穀悉以奉母并爲弟娶婦弟沒年已五十  
乃娶生一子著有詩文集卒年六十有四

馮以昌字吟秋苦孝先生十一世孫年少好學父孝  
曾極憐愛之以家傳忠孝力敦孝友父病晨夕籲天  
至病不可爲泣詣祖祠長跪終日父病獲瘳伯叔沒

家貧未葬爲營窀穸越三日伯氏火夜夢伯曰賴汝此舉不然罹於厄矣他如建義塾置義田減租卹貧建願烈婦祠及張公祠又爲馬氏請旌其行善無倦邑並於華婁界創建石橋三日虹騰日逢嘉日添漲癸卯中副車丙辰授懷遠學博訓士先孝弟而後文藝以賢勞致病端坐而終門人私謚孝惠先生年六十九卒

胡熊諸生性孝友追隨親側奉事得宜父鼎臣官粵東鹽大使乾隆丁未臺匪猖獗制軍檄佐巡洋七日夜嬰疾幾危熊憂廢眠食露頂禱天刲股以療遂愈年五十有一卒

陸紹基字雲亭父綸緣事遣戍紹基年十八矢志尋親跋涉千里至戍所拮据奉事歷十年會未有赦令不獲奉父歸念母遠離遂隻身旋里含淚事母朝夕對天泣叩求父生還竟以抑鬱卒聘妻劉以絕粒殉後父歸將紹基及劉氏合葬西麓村邑人欽善有雙璧磚銘

吳福慧兩刲臂療親疾後以事他出父病劇妹小姑亦刲臂和藥以進尋瘳

侯邦烈家貧讀書事母孝乾隆己亥春母袁病亟邦烈焚香禱天刲左臂肉和葯以進母病頓愈邦烈飲痛不宣盛暑猶衣以奉侍母疑之終力辭勿白卒以

服勞邁疾而亡

馬潮字照菴附貢生宋靜逸居士十九世孫康熙中徵鄉飲大賓時年七十七歲元夏氏有清樾堂古址國朝歸於馬氏潮葺爲肯園門有古杏莊二字石刻潮所書也

馬晟字景良時人稱爲西屏先生其初本洞庭東山籍其祖遷松之廣富林父豈凡遷泗涇鑿兄弟三人晟其季也生而穎異至性孝友年十一侍親省洞庭山墓祖居側有石榴樹一株母愛之而不言晟以青蚨百購歸其視無形聽無聲之孝自幼如是年十六入於庠旋食餼是時繁陽馮公入館選假歸聞晟文

人物

四

譽以內甥女妻之卽其配張氏也晟居母喪哀毀骨立稟命於父歸葬於洞庭廬墓二年嗣自文學日進旁及詩古文詞書法晉唐納貢赴選成均聞父喪南歸扶柩歸葬偕伯兄廬墓哀毀一如喪母時篤於孝友與伯兄同居合爨弟兄妯娌無間言宗族之在松在山者以緩急告必應之嫁娶喪葬必助之凡親友告貸立一冊列爲通字號自爲序以登之取有無相通之義不責償兩逢歲飢倡設粥廠太守朱給宏宣惠愷額撫軍吳給任卹維桑額近鎮保生橋新橋皆石梁傾圮晟鳩工成之雍正元年沒年五十八廬貢生入成均改授縣尹未補缺

張芳孫字自芬侍郎集曾孫由監生歷任河南汝陽  
商城等縣惟息縣劇且衝鹽梟脇衆干紀芳孫廉得  
其實獲渠魁殲之餘皆解散歲荒芳孫奉檄辦賑務  
山陬窮谷親往查勘災民有鬻子女者則代贖之不  
下數百口繼任蘆陽值銅瓦廂黃水泛溢居民墊隘  
芳孫請於大府以工代賑所築隄陂不日成而彌固  
邑人德之嘉慶十五年任固始以微疾卒子汝璇甘  
肅靜宜州吏目大吏知其讞獄平允恆調省審諸鉅  
案後丁母艱回籍起補安徽六安州吏目亦有政聲  
聞人軾字定之郡庠生屢困棘闈鬱鬱不自得家復  
多故春秋佳日以詩酒自娛著有蕉雪齋詩稿

許嗣茅號淡生乾隆五十四年舉人再上春官不第  
遂不復試平生秉性和易而當名豪辨士鋒難百出  
不肯有所屈身未嘗蓄財毫髮事或倚辦於人而慷  
慨好施若素裕尤用心於人所難能使巧猾懼伏論  
事輒驗年三十餘喪偶遂不復娶嘗一泝江峽遊粵  
東西歸而卒年五十七

胡勳堯字秋岑青浦籍恪靖曾孫世居邑之西郊生  
而穎悟讀書目數行下有至性在髫齡聞忠孝事竦  
聽無倦容年十九補博士弟子員嘉慶甲子科舉人  
乙丑考取國子監學正己巳成進士仍以學正用未  
補官卒年四十二勳堯生平修內行敦孝弟重然諾

志節凜凜恥與世浮沈士大夫皆慕與之交使天假之年必有表見於世者矣

喬淦字葆堂乾隆甲寅順天副貢旋援例候選教諭復需次國子監典簿先世居上海至淦移居龍城生有至性母曹宜人分兒錢淦獨截竹爲筒儲之以供親之父鍾英曾仕岷州其同年生都御史吳才君妻以女父使留學京邸淦每歲必歸省視猶以曠職庭闈爲憾岷州歸益礪貧節吳公資淦財爲養而淦盡然自傷體素癯瘠坐是彌腹削遷延三十餘年以沒所著有葆堂詩草若干卷年五十有三

趙萬里字旭恆金山衛籍居婁邑乾隆戊子舉於鄉以大挑任貴州天柱知縣署拱台同知治雜苗疆時值開挖銅壙役徒數萬人日夜屯聚互相爭鬪幾瀕於亂萬里於深林密箐中車馬交馳約束以法得不釀成大禍後以疾去任卒

張崇柄字葵圃未冠入郡庠連擢高等乾隆癸卯以禮經魁其房典試謝侍郎壩戴修撰衢亨皆許以國士再上春官不第以丁丑大挑選授南陵訓導生平篤學嗜古尤善獎借後進以文相質者戶外屢常滿年七十有一卒於官著有尙志居詩芳草子文盛邑廩生爲文亦有根柢人謂其本於家學云

張存誠原名崇禮字松封未冠藉弟子員旋入成均

給事范芑野奇其才延譽公鄉間顧屢奇不偶乾隆  
癸卯舉於鄉丁未試南宮俛得復落感疾還卒年五  
十八存誠內行肫摯白首兄弟無間言工制舉業及  
門之成就者尤衆著有天趣軒越游安陽吟稿藏於  
家子文晉孫雲鏞皆諸生

李謹字用五好獨游登山如樵者因自號樵峯中嘉  
慶戊午舉人幼奇慧不治章句學長亦不治容貌與  
人言無貴賤賢愚老少皆盡其意好飲酒常置甕於  
牀側未嘗溫飲亦不見其醉所得金輒付酒家餘者  
散置牀頭他人或持去不問其內行甚篤事寡嫂如  
母叔父爲聘某氏以出遊不果娶久之所聘婦卒遂  
不復娶嫂乃爲置一妾久之生二子生平游吳楚間  
最久嘗一出盧龍之塞循長城涉宣府由晉陽歸於  
京師又獨游京師西山後倦游歸病甚不復能飲酒  
獨善飯而兼通醫藥相地方術惟行步艱困不復自  
振聞山水猶欣然嚮往云

陸遼字漁村諱生世居橫雲南陸家村五戰棘闡不  
售夷然曰功名非吾事遂散跡峯泖間性疏曠善飲  
每酒酣輒歌詠王侍郎相賞其詩以爲陶韋風味子  
原泉字秋水爲明經患咯血之疾遂棄舉業以善行  
於鄉家不中人產好濟人之急道光己酉水災買米  
施粥全活者甚衆鄰里德之

徐士泰字雲舫華亭籍居婁邑爲前明文貞相國後裔登嘉慶丙辰制科戊午舉於鄉辛酉進士與兄士晉弟士恆士豫並負才名士恆貢成均士晉士豫以名諸生稱士泰性嚴重不苟取與官水部郎其起居仍如諸生時著有雲舫詩鈔長洲王芭孫序之

馮大奎字西文由廩生援例得亳州訓導洊陞福建龍溪縣丞歷署平和詔安等縣知縣有循聲篆刻師文三橋書法得吳興神髓

沈朗字玉行貢生父卒於蜀朗聞計入蜀備嘗艱苦扶父櫬以歸省試不售游幕數致千金奉母甘旨并與兄弟共之妹適唐自昭早寡貧無所依迎歸與母

嘉慶二十三年

卷一十七

八

同居并教養其子如己子焉年七十有九卒

項思敬監生父榮椿早卒母患風疾常在牀褥思敬謹侍湯藥徹夜摩挲心力交疲者十年及沒成殮後憑棺大慟痰壅而亡華宰張以孝思維則獎之年七十有二卒

程師義字子春諸生嘉慶建元舉孝廉方正以親老不赴家貧嘗出游佐書記聞父病急歸抵家父已沒慟不欲生祖母秦病奉侍湯藥者經年母氏周病革夫婦焚香露禱母病瘳而夫婦同時得疾幾殆婦盛氏竟以此卒念母年高不復遠遊居母喪哀痛迫切獨力營葬撫弟姪待族戚咸有恩督撫以大科名世



獎之卒年七十有五

周存恕孝子士彬曾孫父厚臺幕游川陝家庭落窶存恕年九歲受經於母氏方性至孝童年事母維謹出入稟命而行年十八授徒於張氏負米養親會親病痢侍奉湯藥半載母病愈存恕積毀致殆年十八卒

姚元容諸生少嗣於伯父松居喪如成人嗣母張素有痰疾發則竟日迷悶元容百計禱天無效後夢神教以呼痰覺而爲母呼之痰頓吐而愈母晚患瘋疾卧牀五載元容親侍湯藥日夜扶持及沒哀毀骨立廬墓二年年五十有三卒

九

章煥字友石諸生少孤力學嘉慶丙子鄉試號舍中夢母病卽納卷買舟急歸母果病亟醫藥罔效禱天封股以進獲痊及榜發卷已中式因無後場易之母沒哀痛迫切抑鬱以終學使龔給摯孝型鄉以獎其閭年五十有七卒

戴承志父廣心早逝母顧守節撫孤承志奉母惟敬家貧習業以奉菽水歲有入必歸以奉母不敢有纖悉私母病痢亟藥不可爲焚香禱天割臂調藥母賴以痊學使辛以孝彰節報獎之卒年五十有六

彭希鏗神季子幼有疾病默而不言問之曰恐使父母憂也年十一遭父喪哀戚倍至母衛病中風臥牀

三載希鏗晝夜扶持纖悉曲盡夜深泣禱祠竈爲母  
祈年及沒憑棺慟哭嘔血數升終身茹素不與宴會  
後病亟呼二子曰爾無傷我侍父母於地下矣隨聲  
而沒年四十有五

徐錫仁未嘗讀書而天性孝友家本貧菽水之奉常  
竭其力乾隆五年父禹平患危疾醫藥罔效錫仁禱  
於天願捐已壽以益父乃割左股作羹以進父病得  
瘳踰數年母裘復病醫言精力久耗非藥石所能療  
錫仁遂割右股雜葍餌以進母病亦愈

李敬熙生有至性好讀書年十六母沈病纏綿半載  
敬熙侍湯葍無少

禱祠竈願以已歲益親夜則

十

焚香籲天不避風  
大瘳而敬熙以積寒成疾卒  
學使廖以純孝性成獎之

金以泰生有至性甫數齡遇父母有疾憂形於色服  
侍湯藥日夜不倦及長應童子試不售發憤讀書遂  
得血疾隱不告人每夜至五更書聲方靜日中依依  
膝下強爲飲食後病轉劇泣告父母曰兒命至此勿  
重傷兒堂弟將有後或可爲兄嗣然兒生不能侍養  
死又傷親之心兒有餘罪矣言訖而沒年二十五聘  
室姚先病卒

章鳴鶴字荀儔少有雋才與兄思貢生汝琳齊名嗣  
以歲貢任銅陵訓導知縣單履中修縣志纂輯事悉

賴之解組歸建歸山堂於廣化寺側日事吟咏與黃宮允之雋相倡和乾隆壬申重游泮水年八十六卒著有谷水舊聞子德燊字卿閭諸生著詩經雜說尊聞瑣記卒年八十九其重游泮水在乾隆四十一年學使彭以璧水增華額其廬

史本泉字蒙山少時極貧苦游庠後攻舉業於書無所不覽爲文得經籍之腴而下筆尤誠摯其爲人亦如之乾隆己酉以第三名舉於鄉授徒里門從之者日益衆旋授安徽潁上縣教諭卒於任著有珠樹堂稿三種

盛麟字問沂乾略

士人以大挑任四川南川令

時川中教匪亂麟

士人晝夜不解甲南川得全上

游器之命兼理井硯內江二縣事偵知賊巢所在以計擒其魁大吏上其事擢知府丁外艱歸途中遇賊剽掠賊忽以行李還曰盛翁清官吾奪其物不忍也歸至皇甫林白衣草履徒步至家入喪次一慟幾絕由是病咯血未幾卒著有性理名言明心寶鏡說弟蓮乾隆戊申舉人任甘肅大通令卒於官子鳴附貢生著有玉海集

雷斌字少泉乾隆甲寅舉人少能文與兄炳南齊名爲塾師著錄弟子籍者甚衆朱孝廉書田孝廉霞顏明經棟皆出其門

姚令俞字秋坪令儀弟入貲爲府經歷試用陝西贊  
秦中丞承恩軍務以勞績補華州牧有宋姓兄弟爭  
產構訟俞曉以大義頓感悔擢浙江宓波府宓波濱  
海海中田爲十洲之一明初因倭寇遷其民遂成廢  
址俞請於大吏陳八議其畧云洲田百餘頃平疇廣  
陌以墾爲養民良可資水師巡洋藉聯聲勢移宓波  
佐貳以治之撥象山營弁以鎮之編以保甲有裨緝  
盜大府上其議得

旨允行民至今德之

張崇型字苻塘孝煜子少穎悟博聞強識早歲卽餼  
於庠中嘉慶庚申

譽噪甚授徒里中從之而

掇高科者不乏人

亦出其門嗣以大挑一等

分發山西當省垣需次時讞鞫之暇每講論詩古文  
詞得其指授卓然成家補左雲縣左雲地近邊關民  
情強悍崇型爲之立書院勤考課士方欣然向風而  
治未二年卒於任著有苻塘詩文集未梓弟崇銘恩  
貢生著有清芬閣詩集亦未梓

秦淵字珠厓居邑之泗涇鎮賦質聰慧讀書過目成  
誦中乾隆甲寅舉人嘉慶丙辰進士改庶吉士散館  
授戶部主事以長安居不易且氣體素弱怯於北地  
之寒請假歸日事吟咏足跡不入城市所著珠厓吟  
稿兵燹後散佚無存

張允垂字柳泉父璿華見前傳允垂聰穎弱冠卽餼於庠嘉慶辛酉拔貢

朝考授戶部七品官入直樞要累遷至郎中先是上幸翰林院

詔各部院官進詩冊錄十二人允垂與焉

命校遼金元三史及平定教匪紀畧書成稱

旨得優叙後以繪黃河圖事鐫級旋從戴相國均元襄治河之役復職出守河南道光元年補陳州府陳州爲皖豫交界時有教匪混雜滋事允垂多方撫緝始安靖屬有周家口水道由白馬溝入大沙河白馬溝塞則旱無蓄而涸勸令濬導水得疏通地安

耕種民至今德之

封府丁父憂旋里服闋得

旨補浙江杭州府時海盜令以徵漕起衅獲犯三百五名允垂分別治如律兼護鹽運使事條陳數議商困以紓會劾一典史反被訐遂引疾歸置義莊田贍族性嗜書購藏二萬餘卷年六十四卒著有海棠吟館詩文集寶應朱文定爲撰志銘

黃仁字研北乾隆壬子舉人大挑一等出宰山西補稷山縣道光辛巳分校鄉闈稱得士以疾辭歸主講柘湖大觀兩書院咸豐元年重宴鹿鳴六年冬卒仁自歸後二一年稷山紳士程謙等間關遠來以甘棠遺愛額其廬其政績可想見云

姚培詠字勉樓恩貢生天姿穎敏詩文俱入能品兼通琴理士林咸推重之

楊開鄴父朝藩以孝聞開鄴性亦至孝母喪盡禮侍父病寢處不離者五載及父沒哀痛卒

朱菱字芷湄廩生華亭籍工古文及詩張興鏞興載其弟子也沒後無子其集散佚

王蔚宗字春野乾隆己卯舉人永祺孫嘉慶戊午科優貢生朝考一等選安徽宣城縣主簿早歲爲學憲謝侍郎墉胡尚書高望劉侍郎鑲之所識拔名噪大江南北其服官宣城時兩江總督百節相齡不以屬吏相待詩筒來往幾無

月嘉慶丙子盜國荒奉憲

檄委發賑親歷各鄉卽甚飢戶因勞邁疾遂卒於任著有端居室詩集子五慶麟舉人慶閩慶鳳慶瑛慶芝俱諸生

杜元照字子山道光乙酉優貢是年登鄉榜房考蕪湖知縣梁中孚得其卷決爲名士榜後致書其弟太僕卿中靖云本年校士闈中得一士到京可物色之丙戌會試卒於任邱旅邸士林惜之

毛遇順字山子諸生工詩爲錢塘吳祭酒錫麒所賞識著有明宮雜咏龍潭老屋詩

胡繁苞原名連玉字朗山敏學不倦詩古文詞俱入作者之室生平落拓自喜後因醉後墜河死

鄔浣香布衣逸其名居長壽橋南少孤貧從戎爲郡城門卒城守夜出巡見門大啟聞城上誦詩聲卽之蓋卽於月下讀杜詩城守以告王教諭芑孫王招與語讀其詩大欣賞納之門下叙其稿釐爲上下二卷署曰浣香詩稿惜付劫灰嗣孫家驥字葵生補博士弟子員以能文名早世

張祥河初名公璠字元卿號詩船興鏞子祥河質本天成學承庭訓未冠應童子試隄守合河康公夙負知人鑒一見偉之拔置第一尋補博士弟子員嘉慶丁卯舉於鄉庚辰成進士授中書舍人入直樞要未幾遷農部郎戊子典試稱得士丙申一甲第一

第二人皆出其門辛卯順天鄉試分校官出爲山東糧道釐剔漕弊吏胥無敢售其欺旋擢河南按察使丁父憂歸服闋仍以原官補用兼攝藩篆會祥符河決省垣苦積潦祥河建議開渠十一里至惠濟河洩之升廣西布政使踰年丁母憂歸服闋補甘肅布政使旋巡撫陝西維時西安同州有佩刀匪爲害祥河密授將弁方畧擒百餘人論罪有差四境帖然疏入

上嘉之庚戌應

詔陳言以禁浮勒緩開墾爲厚民生急務咸豐元年言官張廷瑞以祥河詩酒風流不理民事劾之督臣白

其誣壬子九月粵匪擾湖北祥河疏言興安商州毘連楚界應舉團練以資防衛嚴保甲以緝奸徒

上聽其言嗣獲妖人楊合亨及楚匪黃有得等俱治如律尋

詔入京授內閣學士兼禮部侍郎歷刑部左右侍郎督順天學政取士以清真雅正爲宗旋授吏部左侍郎兼管順天府府尹疏請置田千畝以贍宗族

上親書誼篤宗支額賜之擢都察院左都御史授工部尚書加太子太保銜以疾致仕壬戌卒於京邸年七十八

上聞悼憫

賜祭葬

子謚溫和平於書無所不覽而詩尤肆力焉少時與里中梅春姜皋等結詩社通籍後與鮑侍郎桂星錢黃門儀吉等結宣南詩社而使節所經徧閩越秦晉燕豫楚粵所遇鴻才碩彥無不傾心延接故其詩蒼萃融會卓然成家書承文敏法畫師董源同治八年崇祀鄉賢

姚椿字春木方伯令儀長子國子監生少穎異能讀等身書年十八應京兆試才名噪甚南昌彭文勤河間紀文達見椿文皆奇之屢躡場屋顧銳意著述道光建元徵舉孝廉方正之士有司以椿名上椿力辭



四年主河南葵山講席十八年應莆田林文忠聘主  
荆南講席二十五年歸里主景賢講席所至皆以實  
學敦勉歸里後著書者又數十年晚輯易傳上下經  
備而不及繫辭沒前數年命門人震澤陳壽光補之  
選

國朝文錄八十三卷張溫和撫陝時爲刻之卒年七十  
七同治九年奉

旨入鄉賢祠

姚樾字建木椿弟由廩生循例爲寶應教諭月試諸  
生以實行相勉縣舊治無教場武童生常習射河堤  
堤苦爲行人往來

姚樾爲捐俸置學宮後隙

地作射圃亦按弓課之道光四年高家堰決樾奉檄  
履勘目覩災黎爲之心惻陳詞大吏請

朝廷帑賑卹之民賴以活者數萬俸滿擢河南南盧氏令  
年餘以母憂歸不復出與兄椿同潛心經義分錄惠  
氏棟所注九經本又訪求鄉先生嘉言懿行輯敬止  
錄未成書卒著有歸雲堂詩稿雙紅豆詞草

顧子瀛字州山諸生嘉慶季年宋郡侯延訂分纂府  
志稱詳核書法初學張文敏晚宗王大令筆力渾厚  
爲世所稱卒年五十九著有日新堂古文駢體文稿  
采韻堂詩稿平生性剛直重然諾自奉儉約而好施  
與嘉慶甲戌道光癸未兩值歲飢皆出粟助賑大吏

請予九品職銜學使劉試閣屬古學會坂置第一嗣  
因屢上秋闈不售無意科舉專攻詩古文詞王惕甫  
校官集泖東詩社子瀛與焉

欽善字吉堂諸生居邑之杜塢浜少孤貧讀書龍門  
寺刻苦自勵與改琦高崇瑚高崇瑞梅春姜皋殷瑞  
爲泖東七子以詩古文雄於時著有吉堂詩文稿

朱光綸字寓琴施秉縣履吉子早失怙恃事繼母王  
克盡色養母病侍湯藥衣不解帶兄弟同居未嘗有  
間言工詩詞有無隱草堂小稿三卷喜繪蘭石尤善  
鼓琴家居侍奉之暇閉門卻掃自課兩子大源大韶  
皆登賢書遇宗族有先倡率以周之晚年喜植

花木與祁子瑞黃仁老友會以適其志道光乙

巳年卒年七十有七

朱光瑛字悅田廬貢生入貲爲校官歷任安徽靈璧  
沭陽等縣教諭任滿陞池州府教授又改授江甯府  
教授居恆讀書不專門時有心得最善畫梅以情韻  
勝遠近持絹素乞繪者日積咸豐二年歿於江甯任  
年八十有二

顧炎輝字守愚弱冠補博士弟子員旋食餼於庠省  
試屢薦未遇書院山長祝芷堂侍御歎其文有根抵  
課必冠其列與王明經舒華齊名其文學李厚菴儲  
中子深厚純粹尤長於說理年四十有三卒于清熙

姪崱心乾夔容皆以學行聞於時

徐宗仁字臨沚先世居朱涇爲金山人明孝子億七世孫乾隆壬午舉人

高宗仁皇帝四幸江南獻賦

行在

欽取二等

賜緞二疋壬辰大挑一等籤掣四川歷署威遠仁壽等縣又調華陽題陞馬邊廳通判孫文靖公督川時見其文大稱賞謂通人道古眼大如箕簿書歷鹿中乃有斯人我將因文考績相與求至道之歸旋以病告歸文靖挽留不得賦詩行歸而購郡西張侍郎集

別業以居子孫遂家三子年七十二著有臨沚詩文

鈔

朱大源字伯泉性聰慧博洽能文年未冠應縣府院試皆第一舉嘉慶戊寅

恩科京兆試大挑以知縣分陝西任富平佛坪長武等縣皆有政聲道光十二年丁繼母憂服闋赴陝補安塞其地在萬山之中城中居民寥寥大源訪問父老僉曰安塞自九月下雪至三月雪融時山水陡發居民漂沒爲患迺爲之相度山勢鑿溝疏洩明年水患息遠近歸來爰於隙地築屋爲士子講習所旋調蒲城去之日民間泣送者數百里不絕蒲城有刀匪大

戶每與之通大源自丁祭回見二人可疑執而訊之  
果刀匪也乃訊得匪首所在遣幹僕授以計果就獲  
令繳兵器而散之患以息韓城王文端相國家居重  
其文行遣子弟就學焉後保陞商州未之任丁外艱  
蒲城之民送者一如去安塞時大源抵家一慟幾絕  
弟大韶已前卒既哭其親又哭其弟遂不能支病半  
月而卒生平善古文詞兵燹後皆散佚無存

朱大韶字虞卿生而神悟七歲師陸明睿授以大學  
五日而卒業講授經義皆領會年十四讀經史已畢  
丁母艱不與試年十九入於庠逾年以優行貢成均  
舉嘉慶己卯京兆試准未爲泐器重之延課其子

弟皆成就以是名動八間從之者日益衆由科第  
通顯不乏人兩試禮部不售乃決去舉業專心經學  
道光十一年選懷遠縣教諭甫半載丁繼母艱歸懷  
遠紳士致書幣延主真儒書院父命之往乃再至懷  
遠濠泗之間負笈者數百人旋以親老歸奉親之暇  
一意解經尤究心於三禮時涇縣朱琦以經師主紫  
陽書院大源以所作往質琦大服爲文叙之勸付手  
民道光庚子郡守徐青照與大韶同年見所作願捐  
俸助刻旋調江甯不果道光甲辰選授江甯教諭以  
親老不赴旋卒所著書藏於家其稿皆大韶手自刪  
訂友人姚燧校定焉書目見藝文志

馬德溥字仲田弱冠補博士弟子員嘉慶戊午舉於鄉屢上公車不售乃研心經史之學靡所不覽著述亦甚富兵燹後散佚殆盡存遺稿一冊楊秉杞爲之序其門人唐天溥刻之年五十卒

馮承輝字少眉增貢生博學好古敦尚風雅篆摹石鼓隸學史晨校官碑工詩詞善繪事顏其室曰古鐵齋王典簿芭孫嘗爲之銘所繪人物花卉皆脫棄凡俗尤喜畫梅庭前植梅八九本架一小樓羅列古今金石書畫嘯吹其間自號梅花畫隱著有古鐵齋詞鈔古鐵齋印譜印學管見歷朝印識金石荊皆付梓別有石鼓音訓考證碑跋琢玉小志櫻風草堂

詩稿題畫小稿皆未刊有光字少峯廩貢生亦能詩工畫梅

秦錦字樸存少好學不拘繩墨乾隆年間曾與吳白華胡鳴玉輩同應宏詞科被遺遂絕意功名以詩酒自娛賊擾後詩稿散佚無存

褚一心字香節乾隆戊申舉人爲文奧衍如子五十後始登賢書著有香節居詩文

周翰字曼生廩生少孤事母沈以孝聞教從弟輩讀書皆成諸生從子朝祚尤有聲庠序朝祚改名懋字春農廩貢生著述甚富今僅存西樵古今體詩一卷汪熙字雲海居泗涇乾隆丁酉順天舉人任山東新

城令旋引病歸婁令謝廷薰聘修縣志晚年善繪花  
鳥同時有戴見銘者字禹萬亦泗涇人工詩與朱耕  
方潘舒藻相唱和著漣兮草

秦鐸字拙齋少攻舉業援例入太學兩試棘闈不售  
入貲爲按察司經歷分發江西借補吉安府經歷秩  
滿陞補南城縣知縣旋丁母憂服闋後卒鐸官江西  
十餘年所至有循聲江右人至今猶能道其政績云  
范臺字墨麓諸生居笏溪濱精堪輿家言爲人耿介  
授徒里中束修外不妄取平居常以正人心端學術  
爲念著有困學語修齊輯要儒行所知錄卒年七十  
吳之琦字韻珊祖柱公二甲俱諸生之琦弱冠補博

士弟子員性狷介不迫利事節母以孝聞年三十  
七卒所著有鸚猩語補拙錄及生學鈔畧定齋日記  
蔡鵬飛字檢音茵鴻業從孫少孤年二十五得療疾三  
十二始游於庠自以多病棄舉業間爲詩詞而詩詞  
獨工自謂因病而獲壽年七十二卒著有六半樓詩  
鈔一卷詞鈔一卷經義一卷

汪錫庚字二酉廬貢生工詞賦駢體文所居老屋三  
間晏然自適以清操自勵晚歲貧益甚年七十餘卒  
姜銘瑞原名如金字日耕歲貢生事母願以孝聞後  
得心疾卒年七十子慰祖增生亦能文年三十卒時  
人惜之

范泉字芸卿給事中棫士孫早歲以能文名爲人誠懇無城府嘗應郡守宋公如林聘與修郡志嗣以歲貢選旌德訓導道光甲辰重游泮水年八十卒

江鑄字鏡心諸生邃於學而終困場屋道光丁未重游泮水卒

夏姓字鹿友本姓吳歲貢生華籍課徒自給才思敏捷而蹭蹬名場至五十始廩於庠序貢則已七十矣又十年而沒

吳棫字直夫生治經學多心得子來儀諸生秉中歲貢生皆以能文稱

朱子鄂字觀白生有子以年幼失恃作寒窗夢母

圖以志哀器概英待吳鈞翁春王陶皆折輩行

與交從華亭陸明睿受古文法嘗慨然有志於世用凡醫方藝齋風角卜筮諸書無不窮究又善賙人急性伉直不容人過然有一善譽之不容口故後進憚其嚴而又樂親之工篆隸年七十卒所著雜文數十篇詩四百餘首未刊

戚德芳三十五保十圖人享年九十三歲五世相見道光年間知府豫益給昇平人瑞額知縣黃耀明給五世一堂額

張倬田字芸人廩貢生工詩文才思敏捷生平不設城廂善諧謔嘗赴某家詩會有乳媪抱兒出或指之

曰此富翁也倬田口號云窮當未死先稱鬼富翁縱初  
生亦號翁一時傳爲美談同時能詩者張國梁字月  
巢增貢生夏璿字秋園歲貢生皆負時望

楊秉杞字閑菴諸生府經歷汝連子博學好古中年  
游燕趙齊楚間後居京師十年名籍甚而無所遇乃  
歸里晚居笏溪老屋三楹蓬蒿不翦杜門著書卒年  
七十有二

陳玉輪字藍田歲貢生性孝友母早喪事父以孝聞  
父沒時玉輪年近五旬哀毀骨立斬衰三年雖盛暑  
不釋事庶母亦盡禮撫弟玉瑞愛惜周摯親教之讀  
人邑庠弱冠後爲

諸生早卒無子以

子鳳藻爲嗣

戴繩宗字春江諸生殿撰有祺曾姪孫平生砥志勵  
行工篆隸喜吟詠著有一硯齋詩草

倪士恩字松甫少穎悟年十七補博士弟子發憤攻  
書得咯血疾祖元坦勉以先行後文母事躁進蓋養  
病者十年工詩文習隸篆道光癸卯舉於鄉四上公  
車不售會因賊擾松城流離失所而軍柴之役起士  
恩慨然借錢孝廉振聲上書請罷大吏可其議而仍  
以撓阻爲嫌用是悒鬱成疾卒

宋觀澂字杏南諸生爲人誠樸不苟言笑其持躬正  
直每遇人談閩閩事必婉言以勸之或正容以斥之



歷終身如一日生性孝友母得癱瘓疾常臥牀褥與  
其弟侍奉湯藥未嘗少懈且躬親瑣屑有萬石君之  
風焉母歿後人或言及之未嘗不淚泫泫然下其弟  
名觀濤亦敦孝友得咯血疾而卒行事載入雲間孝  
弟錄觀濤授室後生一子即賦悼亡終其身不續家  
綦貧以訓蒙爲業凡遇子弟必循循然教迪之與人  
談論每以敦品爲第一蓋其至性天成篤於孝友敦  
尚品誼有他人所不能及者年六十餘卒

尹湘字式之諸生著有舊主齋文稿曉秋山莊詩集  
知止居賦草

仇世賢字少泉

生有至性父漢濤督子嚴

有杖則受家貧

幼績佐家事世賢年最幼晨

起以所績買市木棉其贏餘則負米歸日以爲常  
父先卒凡事必請母命行愉色婉容依依如赤子與  
兩兄友愛無間母年八十衰病益增臥牀者六載世  
賢侍調湯藥母中夜思所嗜披衣起索諸市不使母  
知歷六年如一日也母卒喪葬皆盡禮以孝  
旌子治泰早貴治豫治觀皆從九品道光二十九年  
母顧邁危疾先後剗股和葯以進母病良已同縣楊  
秉杞記其事亦以孝

旌

吳申原名承榮字秋齡諸生擅經學授徒於家出其

門者咸知立品父沒弟承卓年方幼兄子孝光亦九歲而孤申親自教讀俱成就焉先世遺有贍族田五頃年饑申倍加賑恤總督陳公鑾手書聯句以贈有敦六大行孝友睦婣任卹立三不朽道德功業文章二十字同治八年學政童給孝義可風額

湯輅字繹山歲貢生博學能文品行端潔教授里中從學者皆能敦品後以歲貢授旌德訓導抵任後講論經學名譽日起凡學中品節所係無不力爲扶植四方咸感其德卒於任子衡廩生翼優貢生皆以能文名翼以優貢選碭山訓導因足疾未赴光緒元年重游泮水年七十

顧鴻聲字浦漁

姿聰慧積學有才氣尚風

雅廣交游於方書院等事凡有裨於學校者悉力任之極爲邑人士所推重年六十餘卒

徐朝俊字恕堂歲貢生性聰慧精天文術數之學著有窺天管見高厚蒙求等書子炳樞恩貢生皆授徒里中以能文爲鄉黨所推重云

凌若駒字昂之諸生世習堪輿家言至若駒尤好善子豫字介庵歲貢生泰字淡人稟生皆工書

周朝榮字藻士歲貢生父翰見前傳朝榮少失怙以頽悟得大母歡父沒有弟五人讓居讓產門內無間言晚選雕窻訓導以年老不赴任同治戊辰重游泮

卒年八十有三

朱古澍字蕙耕幼入塾日誦二千言十歲能詩中年友勸之北游以親老客清江浦年終歸省性嗜酒晚得頭風疾家貧而吟飲自若江陰李太史兆洛以畏友呼之年六十八卒著作多散佚

許耀字淞漁以歲貢中道光己亥舉人官靖江教諭十年粵賊竄江北偕邑令率團禦賊事平加中書銜同治五年以辦歲科試事卒於常州館舍存古今體詩數百首

張光緒字蘭歲貢生華亭籍少孤年十五爲里中童子師後從姜山聲序中授經學年五

十七卒子邦彥

拔貢邦采歲貢子以文

章名於時

胡袞字端齋貢生候選訓導與兄家濂俱精岐術術晚與顧茂才容凌明經豫結蓮菴講學社著敬天說年六十七卒弟履吉原名家錕字理生道光乙酉舉人大挑選蕭縣訓導咸豐壬子進士改庶吉士粵匪之亂練勇守禦以積勞卒年六十

錢振聲字少鶴居城西金沙灘道光甲辰舉於鄉與同年生韓塵陞徐良鈺相友善三上公車不售遷於鄉之由敦里號由敦退士足跡不入城市兵燹後所著詩稿僅存丙辰丁巳戊午己未所作者自署曰梅

花老屋剩稿

劉祖疇字小春弱冠即以文名試輒冠曹偶年廿六歲便有著述之志其爲文清空綿緲名公卿俱賞爲絕世才家貧力學未嘗以才自足平生敦尚氣誼爲友無瑟縮幾罹禍患有故人子少孤爲之諄誨有成鄉試屢薦不售道光十四年始以優行貢成均越歲病沒所著有太雅堂駢體文二卷瘦吟生詩四卷詞二卷書宗禱河南歐陽率更

雷封字蘊

而聰穎過目成誦家本素封以樂善

好客中落年

七游於庠道光庚子副榜癸卯舉孝

廉丁未捷南宮中

歷任龍山等

著

卒於任封所爲

文清麗中

作

小令亦擅梅

玉田之勝焉

葉蘭笙字

諸生客淮楊時都轉曾賓谷甚器之

晚從同邑姚椿學而詣益進咸豐戊午中順天鄉榜居錢涇橋蒔花種竹顏其居曰養真園年六十二卒無子著作散佚

袁璚字澂甫奉賢人國梓之後壻於邑之查氏因家焉少有奇童之目道光己酉以優行貢成均壬子舉順天鄉試屢上公車不第乃援例爲口部主政武林程棖壽江夏陳廷經折節與交同治七年卒於邸寓敬性抗爽不妄交交則肝膽呈露豪於飲能終日不

爲詩文援筆立就雖耆宿亦以爲不及云

唐模字梧菴道光己酉優貢父天溥字曙庵曠齋好施與模著有筆花閣古文集

沈辰吉字菊廬附貢生候選太常寺博士性孝友好施與少受詩法於王孝廉慶麟後與姚椿黃仁劉樞

及孝廉子友光唱和無虛日故晚年詩境益進著有柳東書堂詩詞稿後以子蓮官刑部贈如其官

張鴻卓字偉甫增貢生少從武康徐熊飛學工詩詞而詞更雋有綠雪館詩詞稿

張恩普原名林字仁甫廩生家世清華賦質聰敏爲文倜儻有奇賞詞亦俊爽不羈

上萬言時務策學使學使於吉羽山廉嗣因廉訪升署中丞督兵滬土帷幄

之畧悉以次光緒元年殉粵逆之難得

旨旌卹如例

張祥榮原名祥灃字雲般興煒之子興煒樂善好施

晚年得子宦遊四川終於官舍祥榮僅十四歲扶柩回籍家貧攻讀孤苦備嘗後以諸生中道光甲午科

舉人大挑二等選儀徵縣教諭咸豐癸丑金陵失守後辦理防練事務大吏嘉其才保以中書用加

侍讀銜六年補中書俸滿截取外用分發浙江同知班序補歷署石浦台州同知咸豐十一年冬高城

以陷同知分防父子鎮距城百里往温州請援師壬戌夏隨同克復台州八月委辦寧波洋廣局捐商悅服後患氣咽至甲子春卒於公所年五十四

張雲程字惺齋諸生性孝友家貧藉筆耕以供甘旨親沒哀毀盡禮兄弟三人雲程最長待兩弟有恩誼後兩弟相繼沒雲程為之經紀喪葬撫猶子如己出平生敦本務實不事華飾年五十四卒

宣元音字友梅以咸豐壬子恩貢選授河南睢州鹽糧州判十一 正月睢城兩次被圍元音偕知州堅守堵禦城賴全大吏以守城有功劄匪出力奏加知州銜以知縣在 選卒者有均

汪士瀛字花洲 宗 為人慷慨知

祠義莊并捐 田義田若干畝其堂叔某家貲不腆士瀛念同和 誦分與家產里中荒歉從豐捐賑一切恤孤養老諸善舉不吝貲財以濟里中推為仁厚

惜中年蚤世

張元音生六歲而孤節母陸氏撫之成立稍長學為賈日所獲歸以奉母母病衣不解帶數月晨夕籲天願以身代及沒哀毀骨立居喪治葬一遵禮法先是

家貧數世柩俱殯淺土元音亟為營窆不以諛族人思親黨有急竭力調施無德色人咸以為難卒後同里刊部主事沈運等欽其行誼請於學使林以庸

行克敦獎焉

黃家驥字麗亭諸生幼有至性讀書卽講孝道嘗  
患頭風目幾損家驥漱口砥目刺血作齋禱竈父目  
頓愈後祖病於嘉禾父有疾不得往家驥冒暑往侍  
湯葯彌月祖病痊而家驥染暑患痢忍疾而歸越數  
日病劇執親手泣曰兒不及事親矣哭而卒年二十  
五

查光雋字嶺海性至孝咸豐壬子七月母王氏中疫  
病劇光雋林願天願以身代母沒絕粒以殉越十

三日而卒年十三

婁縣續志卷十七終